

## 35. gr.

Brot á reglugerð þessari varða sektum, nema þyngri refsing liggji við að lögum.

## 36. gr.

Með mál út af brotum á reglugerð þessari skal farið að hætti opinberra mála.

## 37. gr.

Reglugerð þessi sem samþykkt er af hreppsnefnd Mosfellshrepps er hér með staðfest samkvæmt orkulögum nr. 58 frá 29. apríl 1967 til að öðlast gildi þegar í stað og birtist til eftirbreytni öllum þeim sem hlut eiga að máli. Jafnframt er úr gildi felld reglugerð nr. 98 frá 24. mars 1975 og breyting á þeirri reglugerð frá 28. apríl 1976 um Hitaveitu Mosfellshrepps.

*Iðnaðarráðuneytið, 29. september 1986.*

**Albert Guðmundsson.**

Páll Flygenring.

## REGLUGERÐ

### um innheimtu framleiðslugjalds af mjólk umfram verðábyrgð ríkisjóðs á verðlagsárinu 1985–1986.

## 1. gr.

Til þess að framleiðendur mjólkurafurða fái sama verð fyrir þann hluta framleiðslu sinnar, sem er umfram það magn sem þeim er tryggt fullt verð fyrir með samningi ríkisstjórnarinnar við Stéttarsamband bænda, sbr. a lið 30. gr. 1. nr. 46/1985 og það magn sem Framleiðnisjóður landbúnaðarins hefur tekið verðábyrgð á, skal á verðlagsárinu 1985/86 innheimta framleiðslugjald af þeim hluta innveginnar mjólkur sem er umfram verðábyrgð.

Sérstökum stuðningi Framleiðnisjóðs landbúnaðarins, sem nemur 10% af grundvallarverði mjólkur 1. júní 1986, á það magn sem er umfram fullvirðisrétt, en innan búmarks hjá hverjum framleiðanda, skal haldið utan við uppgjör mjólkur skv. reglugerð þessari.

Framleiðslugjald þetta skal ekki hafa áhrif á útsöluverð mjólkur til neytenda.

## 2. gr.

Við uppgjör á verði mjólkur frá framleiðenda, sem er gjaldskyld skv. 1. gr., skal hvert mjólkurbú draga frá framleiðslugjald er nemur 85% af grundvallarverði skv. verðlagsgrundvelli búvöru 1. júní 1986. Þau 15% verðsins sem þá standa eftir skal framleiðandinn fá greidd.

Það framleiðslugjald, sem mjólkurbúin standa skil á til Framleiðsluráðs landbúnaðarins af sama magni og fram kemur í 1. mgr. skal hins vegar nema fullu grundvallarverði skv. verðlagsgrundvelli frá 1. júní 1986.

## 3. gr.

Gjald það sem hverju búmarkssvæði og hverjum framleiðanda er gert að greiða skal reiknað þannig:

1. Reikna skal hvort og þá hve mikið framleiðsla mjólkur á hverju svæði er umfram fullvirðisrétt (að meðtöldum ónýttum rétti sbr. rg. nr. 178/1986) og það mjólkurmagn sem Framleiðnisjóður hefur ábyrgst fullt verð á. Það magn mjólkur er gjaldskylt skv. 1. gr.
2. Framleiðslugjaldi sem fellur til á hverju svæði skv. 1. tl. skal deila á mjólk umfram fullvirðisrétt þeirra framleiðenda sem fara yfir fullvirðisrétt sinn og innheimta það þannig hjá framleiðendum.

Við þennan útreikning skal ekki skipta upp ónýttum fullvirðisrétti frá einu búmarkssvæði til annars. Þann hluta framleiðslugjaldsins sem ekki verður endurgreiddur mjólkurbúum vegna þessa, skal m.a. nota til þeirra leiðréttinga sem nauðsynlegar kunna að verða skv. frekari ákvörðun landbúnaðarráðherra.

## 4. gr.

Framleiðsluráð landbúnaðarins annast útreikning gjaldsins, innheimtu þess, vörslu og reikningshald. Framleiðsluráð landbúnaðarins reiknar það gjald sem hverjum framleiðanda ber að greiða og tilkynnir viðkomandi mjólkurbúi um álögð gjöld á búmarkssvæði(um) þess skipt niður á framleiðendur.

Mjólkurbú skulu standa Framleiðsluráði landbúnaðarins skil á álögðu framleiðslugjaldi hvers búmarkssvæðis skv. útreikningum Framleiðsluráðsins eigi síðar en 20. október 1986 með eindaga 31. sama mánaðar og skulu útreikningar staðfestir af löggiltum endurskoðanda. Reikna skal hæstu leyfilegu dráttarvexti frá gjalddaga á það framleiðslugjald sem er í vanskilum.

## 5. gr.

Samtök afurðastöðva í mjólkuriðnaði í samráði við Framleiðsluráð skulu gera yfirlit um ráðstöfun mjólkur hjá hverju mjólkurbúi fyrir sig á verðlagsárinu 1985/86. Yfirlit þetta skal sýna skiptingu mjólkur til vinnslu og sölu innanlands og í útfluttar afurðir ásamt birgðabreytingum á árinu. Jafnframt skal koma fram hver er hlutdeild einstakra mjólkurbúa í útflutningsbótum úr ríkissjóði á verðlagsárinu 1985/86. Ennfremur skal koma fram hlutur einstakra mjólkurbúa í útflutningi án verðábyrgðar.

## 6. gr.

Framleiðslugjaldið endurgreiðir Framleiðsluráð landbúnaðarins mjólkurbúum jafnóðum í samræmi við útreikninga skv. 5. gr. þannig að þau fái greitt sama hlutfall af heildsöluverði útfluttra mjólkurafurða á verðlagsárinu 1985/86.

Rísi ágreiningur um gjaldskyldu eða önnur atriði skv. reglugerð þessari sker landbúnaðarráðherra úr þeim ágreiningi.

Reglugerð þessi er sett samkvæmt heimild í lögum nr. 46/1985 um framleiðslu, verðlagningu og sölu á búvörum og öðlast gildi þegar í stað.

*Landbúnaðarráðuneytið, 1. október 1986.*

**Jón Helgason.**

*Guðmundur Sigþórsson.*